

## UNIDADE 5. ACTIVIDADES DE REPASO

### 1. Responde ás seguintes preguntas:

- a) Que feitos salientarías no goberno de Diocleciano?
- b) En que consistía o sistema de goberno e sucesión chamado Tetrarquía?
- c) Cando se promulgou o Edicto de Milán? Que importancia tivo para o cristianismo?
- d) Investiga de que provincia do Imperio era orixinario o emperador Teodosio e menciona outros emperadores que tamén o foron.
- e) Que repercusión tivo que Teodosio alistase aos godos no exército romano?
- f) Quen foron Honorio e Arcadio?

NOTA: para realizar os seguintes exercicios convén utilizar o vocabulario.

### 2.

- a) Indica a que tema pertencen os seguintes substantivos expresados en xenitivo plural:  
**partium, honōrum, ignium, sidērum, exemplarium, agmīnum, legum, navium.**
- b) Escribe os casos que se piden de:  
**arx, arcis:** acusativo plural, xenitivo plural e ablativo singular.  
**ignis, ignis:** ablativo plural, ablativo singular e nominativo plural  
**calcar, calcāris:** acusativo singular, acusativo plural e ablativo singular.
- c) Declina conxuntamente **testis miser**.
- d) Analiza e traduce as seguintes formas verbais:  
**delectabītur, delectantur, delecter**  
**repiēbātur, rapiēris, raperentur**

### 3.

- a) Analiza e traduce as seguintes oracións:  
**A magistris clarōrum virōrum mira facinōra narrabuntur.**  
**Avium ova cibum hominībus dant.**  
**Magnae urbes, alti montes vallesque amoenae viatōres delectabunt.**
- b) Converte en activa ou pasiva, segundo corresponda, as oracións anteriores.

### 4.

- a) Explica a evolución fonética das consoantes finais nas seguintes palabras latinas:  
**tempus, fauces, quam, ad, animal.**
- b) Indica de que palabras latinas teñen derivado as seguintes palabras:  
*magnate, avícola, urbanismo, amenidade, oval.*
- c) Completa as frases seguintes coas expresións axeitadas:  
Desviámonos \_\_\_\_\_ para ver aquelas ruínas romanas.  
Na vida fanse moitas cousas \_\_\_\_\_ sen obter nada a cambio.  
No medio da conversa, cun \_\_\_\_\_ dos seus deixounos a todos plantados.  
É imprescindible, é o \_\_\_\_\_ da súa empresa.  
Fai o que che digo: estuda, descansa, divértete, \_\_\_\_\_  
Coincidían en todo, o un era o \_\_\_\_\_ do outro.

# SOLUCIONARIO

## 1. Responde ás seguintes preguntas:

a) *Que feitos salientarías no goberno de Diocleciano?*

Diocleciano reorganizou o Imperio. Introduciu unha serie de cambios, pois ao desaparecer moitas institucións republicanas creou outras novas. Orientalizou a monarquía, separou o poder militar do civil e racionalizou as tarefas administrativas. Tratou de resolver a cuestión sucesoria co sistema denominado Tetrarquía.

b) *En que consistía o sistema de goberno e sucesión chamado Tetrarquía?*

A tetrarquía era o goberno de catro, dous Augustos e dous Césares que sucederían aos dous Augustos.

c) *Cando se promulgou o Edicto de Milán? Que importancia tivo para o cristianismo?*

No ano 313 d.C. O cristianismo deixou de ser perseguido ao permitirse con este edicto a liberdade de culto

d) *Investiga de que provincia do Imperio era orixinario o emperador Teodosio e menciona outros emperadores que tamén o foron.*

Teodosio era hispano, ao igual que Traxano e Adriano.

e) *Que repercusión tivo que Teodosio alistase aos godos no exército romano?*

A medida foi valorada posteriormente de forma dispar: para uns foi acertada, pois os godos aportaron sangue novo ao exército; pero para outros, isto fixo que as lexións se debilitasen ao desaparecer a disciplina dos tempos pasados.

f) *Quen foron Honorio e Arcadio?*

Honorio e Arcadio foron os fillos de Teodosio, aos cales puxo ao fronte das dúas partes en que se dividiu o Imperio romano. Honorio, de Occidente, e Arcadio, de Oriente.

NOTA: para realizar os seguintes exercicios convén utilizar o vocabulario.

## 2.

a) Indica a que tema pertencen os seguintes substantivos expresados en xenitivo plural:

**partium, honōrum, ignium, sidērum, exemplarium, agmīnum, legum, navium.**

TEMAS EN CONSOANTE	TEMAS EN VOGAL
<b>honorum (honor, honōris)</b>	<b>partium (pars, partis)</b>
<b>siderum (sidus, sidēris)</b>	<b>navium (navis, navis)</b>
<b>agminum (agmen, agmīnis)</b>	<b>ignium (ignis, ignis)</b>
<b>legum (lex, legis)</b>	<b>exemplarium (exemplar, exemplāris)</b>

b) *Escribe os casos que se piden de:*

**arx, arcis:** acusativo plural: **arces**; xenitivo plural: **arcium**; e ablativo singular: **arce**.

**ignis, ignis:** ablativo plural: **ignībus**; ablativo singular: **igne**; e nominativo plural: **ignes**.

**calcar, calcāris:** acusativo singular: **calcar**; acusativo plural: **calcaria**; e ablativo singular: **calcāri**.

c) Declina conxuntamente **testis miser**.

CASO	SINGULAR	PLURAL
Nominativo	<b>testis miser</b>	<b>testes misēri</b>
Vocativo	<b>testis miser</b>	<b>testes misēri</b>
Acusativo	<b>testem misērum</b>	<b>testes misēros</b>
Xenitivo	<b>testis misēri</b>	<b>testium misērōrum</b>
Dativo	<b>testi misēro</b>	<b>testibus misēris</b>
Ablativo	<b>teste misēro</b>	<b>testibus misēris</b>

d) Analiza e traduce as seguintes formas verbais:

**delectabŭtur, delectantur, delecter**  
**repiebātur, rapiēris, raperentur**

F. VERBAL	VOZ	PERSOA E Nº	TEMPO	MODO	TRADUCIÓN
<b>delectabŭtur</b>	Pasiva	3ª singular	Futuro imperfecto	Indicativo	<i>será deleitado</i>
<b>delectantur</b>	Pasiva	3ª plural	Presente	Indicativo	<i>son deleitados</i>
<b>delecter</b>	Pasiva	1ª singular	Presente	Subxuntivo	<i>eu sexa deleitado</i>
<b>repiebātur</b>	Pasiva	3ª singular	Pretérito imperfecto	Indicativo	<i>era arrebatado</i>
<b>rapiēris</b>	Pasiva	2ª singular	Futuro imperfecto	Indicativo	<i>serás arrebatado</i>
<b>raperentur</b>	Pasiva	3ª plural	Pretérito imperfecto	Subxuntivo	<i>serían arrebatados</i>

3.

a) Analiza e traduce as seguintes oracións:

**A magistris clarōrum virōrum mira facinōra narrabuntur.**  
**Avium ova cibum hominībus dant.**  
**Magnae urbes, alti montes vallesque amoenae viatōres delectabunt.**

<b>A magistris</b>	<b>clarōrum virōrum</b>	<b>mira facinōra</b>	<b>narrabuntur</b>
<i>C. Axente</i>	<i>C. Determinativo</i>	<i>Suxeito paciente</i>	<i>V. pas.</i>

**A:** preposición de ablativo. Forma con **magistris** o complemento axente.  
**magistris:** ablat. plural. de **magister, magistri**. Función: Cto. Axente.  
**clarōrum:** xenit. plural de **clarus, clara, clarum**. Concerta en xénero, número e caso con **virōrum** (**vir, viri**). Forman un sintagma nominal coa función de Cto. determinativo.  
**mira:** nominat. plural neutro de **mirus, mira, mirum**. Concerta en xénero, número e caso con **facinōra** (**facinus, -oris**). Función do sintagma: Suxeito paciente.  
**narrabuntur:** 3ª pers. do plural do futuro imperfecto de Indicativo, en voz pasiva, do verbo **narro, narras, narrare, narravi, narratum**.

**Tradución:** *Os feitos admirables dos homes ilustres serán narrados polos mestres*

<b>Avium</b>	<b>ova</b>	<b>cibum</b>	<b>hominībus</b>	<b>dant</b>
<i>C. Determinativo</i>	<i>Suxeito</i>	<i>Cto. Directo</i>	<i>Cto. Indirecto</i>	<i>V. act.</i>

**Avium:** xenit. plural de **avis, avis**. Función sintáctica: Cto. determinativo.  
**ova:** nominat. plural de **ovum, ovi**. Función sintáctica: Suxeito.  
**cibum:** acusat. singular de **cibus, cibi**. Función sintáctica: Cto. directo.  
**hominībus:** dativo plural de **homo, hominīs**. Función sintáctica: Cto. indirecto.  
**dant:** 3ª persoa do plural do presente de Indicativo de **do, das, dare, dedi, datum**.

**Tradución:** *Os ovos das aves dan alimento aos homes.*

<b>Magnae urbes, alti montes vallesque amoenae</b>	<b>viatōres</b>	<b>delectabunt</b>
<i>Suxeito</i>	<i>Cto. directo</i>	<i>V. act.</i>
<p><b>Magnae:</b> nominat. plural feminino de <b>magnus, magna, magnum</b>. Concerta en xénero, número e caso con <b>urbes (urbs urbis)</b>. Sintagma con función de suxeito.</p> <p><b>alti:</b> nominat. plural de <b>altus, alta, altum</b>. Concerta en xénero, número e caso con <b>montes (mons montis)</b>. Outro sintagma tamén suxeito.</p> <p><b>amoenae:</b> nominativo plural feminino. Concerta en xénero, número e caso con <b>valles (valles vallis)</b>. Outro suxeito unido aos anteriores pola conxunción copulativa enclítica <b>-que</b>.</p> <p><b>viatōres:</b> acusativo plural de <b>viator, viatōris</b>. Función: Cto. Directo.</p> <p><b>delectabunt:</b> 3ª persoa do plural do futuro imperfecto de Indicativo de <b>delecto</b>.</p> <p><b>Tradución:</b> <i>As grandes cidades, os altos montes e os vales agradables deleitarán aos camiñantes.</i></p>		

b) Converte en activa ou pasiva, segundo corresponda, as oracións anteriores.

PASIVA

<b>A magistris</b>	<b>clarōrum virōrum</b>	<b>mira facinōra</b>	<b>narrabuntur</b>
<i>C. Axente</i>	<i>C. Determinativo</i>	<i>Suxeito paciente</i>	<i>V. pasiva</i>

ACTIVA

<b>Magistri</b>	<b>clarōrum virōrum</b>	<b>mira facinōra</b>	<b>narrabunt</b>
<i>Suxeito</i>	<i>C. Determinativo</i>	<i>Cto. directo</i>	<i>V. activa</i>

ACTIVA

<b>Avium</b>	<b>ova</b>	<b>cibum</b>	<b>hominībus</b>	<b>dant</b>
<i>C. Determinativo</i>	<i>Suxeito</i>	<i>Cto. Directo</i>	<i>Cto. indirecto</i>	<i>V. activa</i>

ACTIVA

<b>Avium</b>	<b>ovis</b>	<b>cibus</b>	<b>hominībus</b>	<b>datur</b>
<i>C. Determinativo</i>	<i>C. Axente</i>	<i>S. Paciente</i>	<i>Cto. indirecto</i>	<i>V. pasiva</i>

ACTIVA

<b>Magnae urbes, alti montes vallesque amoenae</b>	<b>viatōres</b>	<b>delectābunt</b>
<i>Suxeito</i>	<i>Cto. directo</i>	<i>V. activa</i>

PASIVA

<b>Magnis urbibus, altis montibus vallibusque amoenis</b>	<b>viatōres</b>	<b>delectābuntur</b>
<i>Cto. Axente</i>	<i>Suxeito</i>	<i>V. Pasiva</i>

4.

a) Explica a evolución fonética das consoantes finais nas seguintes palabras latinas:

**tempus, fauces, quam, ad, animal.**

**tempus** > *tempos*. En lat. era sg., en gal. por analogía considerouse plural, e creouse o sg. *tempo*..

**fauces** > *fauces*. O **s** final mantense.

**quam** > *cuan*. O **m** final pasou a *n* por ser monosílabo.

**ad** > *a*. O **d** final desapareceu.

**animal** > *animal*. O **l** final mantense.

b) Indica de que palabras latinas teñen derivado as seguintes palabras:

**magnate, avícola, urbanismo, amenidade, oval**

**magnate** deriva de **magnus, magna, magnum**.

**avícola** ven de **avis, avis**.

**urbanismo** procede de **urbs, urbis**.

**amenidade** deriva de **amoenus, amoena, amoenum**.

**oval** ven de **ovum, ovi**

c) *Completa as frases seguintes coas expresións axeitadas:*

Desviámonos **ex professo** para ver aquelas ruínas romanas.

Na vida fanse moitas cousas **gratis et amore** sen obter nada a cambio.

No medio da conversa, cun **ex abrupto** dos seus deixounos a todos plantados.

É imprescindible, é o **fac totum** da súa empresa.

Fai o que che digo: estuda, descansa, divértete, **etc.** (= **et caetera**).

Coincidían en todo, o un era o **alter ego** do outro.